

百僚金鑑

百僚金鑑卷之二

翰林總考

按翰林為樞機宥密之地極清華之選自魏則有秘書令掌贊詔命記會時事與作文書所謂鳳凰池也。漢制為侍中之選出入禁闥掌直承明潤色典誥謀議政事其暱就為差近也。唐貞觀間名儒學士時時召以草制有十八學士登瀛州之語。乾封以後始有文士等草諸文詞於北門候進止謂之北門學士。明皇初置翰林待詔乃選文學之士號翰林供奉與集賢院學士分掌制誥書勅而翰林學士之名始定矣。

宋翰林學士掌制誥書敕。面書及宮禁所用文詞。乘  
輿行幸。則侍從備顧問。有所獻納。則請封。或奏對。凡  
初命為學士。皆遣使就第。宣詔召入院中。其學士承  
旨。始自永貞也。直學士院。始自開寶也。侍講學士。侍  
讀學士。始自開元也。

明初置翰林國史院。定設學士承旨。學士。侍講學士。  
侍讀學士。直學士。典簿。待制。脩撰。應奉。編脩。典。籍。檢  
閱之屬。又選進士為庶吉士。而教養之。二甲為編修。  
三甲為檢討。不得留者為給事中。御史主事。或出為  
州縣官云。

柳公權

唐柳公權為翰林學士。憲宗見其書。矜愛之。問曰。卿書何能如是之善。對曰。用筆在心。心正則筆正。上默然改容。知其以筆諫也。

韋處厚

翰林學士韋處厚言於穆宗曰。裴度勲高中夏。名播外州。若置之岩廊。委之叅決。河北山東必稟朝筭。理亂之效。非有他術。順人則亂。伏承陛下當食嗟息。恨無蕭曹。今有一裴度而不能用。此馮唐所以謂漢文得蕭頗李牧而不能用也。

竇儀

翰林學士王著以失酒貶官。太祖曰：深嚴之地，當使  
宿儒處之。范質等對曰：竇儀清介重厚，然已自翰林  
遷端明矣。太祖曰：非斯人不可。即日復入翰林，嘗召  
儀草制至苑門，見太祖岸幘跣足而坐，因却立不肯  
進。太祖遷索冠帶而後召入。儀遂言曰：陛下創業垂  
統，宜以禮示天下，恐豪傑聞而解體也。上歛容謝之。  
由是對近臣未嘗不束帶。

宋太祖初欲改元，諭宰相曰：年號須擇前代所未有  
者。及蜀平，蜀宮人入內。太祖見其鏡背有誌：乾德四

年鑄者怪之。出示宰相不能答。召翰林學士安其儀問之。儀對曰。此必蜀物。昔蜀王衍有此鼎。當是其歲所鑄也。太祖歎曰。宰相須用讀書人。由是益重儒臣矣。

### 楊億

真宗時。楊億為翰林學士。清忠耿亮。博覽強記。典章法度。為時取正。文章精密。當時學若宗之。尤喜誨誘後進。因以成名者甚衆。

朱晦菴曰。楊億工於纖麗浮巧之文。已非知道者所為。然資稟清介。立朝獻替。略有可觀。

### 孫奭

宋孫奭為龍圖閣學士。侍講。每至前世亂君亡國。必反覆規諫。因畫畫無逸圖以進。仁宗命施於講讀閣下。

### 歐陽修

修以翰林學士。知貢舉。時士子習尚險怪奇澁之文。號太學體。張方平嘗言。文章之變。與政通。邇來文格日失其舊。各出新意相勝。為奇驅扇浮薄。重彫雅俗。非取賢歛才。脩治具之意。修知貢舉。痛抑新體。時所推譽皆不在選。自是文體亦少變矣。

### 劉敞

宋英宗命侍臣講讀經史於通英閣翰林學士劉敞進讀史記至堯授舜以天下拱而言曰舜至側微堯禪之以位天地享之百姓戴之非有他道惟孝友之德光於上下耳。

程頤

程頤為崇政殿說書上劄子言習與智長化與心成陛下春秋方富雖睿聖浮於天資而輔養之道不可不至大率一日之中接賢士大夫之時多親幸人宮宴之時少則氣質變化自然而成選名儒入侍勸講歲月積久必能養成聖德又嘗曰天下重任惟宰相



與經筵天下治亂係宰相君德成就貴經筵。

### 蘇軾

軾為翰林學士。進經筵。進讀至治亂興衰邪正得失之際。未嘗不反覆開導。常鎖宿禁中。召見便殿。太皇太后問曰。卿今為何官。對曰。待罪翰林學士。曰。何以至此。對曰。遭遇太皇太后。皇帝陛下。后曰。非也。此先帝意也。先帝每誦卿文章。必嘆曰。奇才。奇才。但未及進用卿耳。軾不覺哭失聲。太皇太后與帝亦泣涕已而命坐。賜茶。撤御前金蓮燭。送歸院。

按蘇文忠公撤金蓮燭送歸翰苑。此千古美事。

至今膾炙人口。惜其與程明道先生不和。有枉死市叔孫通制禮之言。大為盛德之累。

### 范祖禹

祖禹為翰林學士。在邇英殿守經據正。獻納尤多。每當講前。必正衣冠。如在上前。命子弟侍先。按講其說。開列古義。恭之時事。言簡而當。無一長語。義理明白。燦然成文。蘇軾以為講官第一。

宋哲宗初親政。范祖禹上疏曰。陛下方攬庶政。延見群臣。今日乃宋室隆替之本。社稷安危之機。生民休戚之端。君子小人進退消長之際。天

命人心去就離合之時可不畏哉云云蘇軾嘆曰經世之文也

尹焞

宋尹焞將赴經筵必沐浴端拱以明日所講書置案上朝夕再拜人問之公曰敬以所言感動人主安得不盡誠敬哉

其德秀

真西山為翰林學士因奏三劄一言臣向為先帝陳祈天永命之戒其說出於召公然反覆召詰一篇綱目曰敬德曰小民而已傳曰敬者德之聚儀仗之酒

南威之色。盤遊弋射之娛。禽獸狗馬之玩。有一于此。皆可害敬。其可不戒。此祈天永命之一也。天視聽可。民之視聽。民心向背。即天之向背。權臣之求賄賂。公行誅求。既廣。民不堪命。陛下宜戒。即邑掾。刻停邊閭。科調。此祈天永命之二也。

張栻

張栻字敬夫。為右文殿修撰。每進對時。必自盟於心。不以人主意悅。輒有所隨順。帝常言。仗節死義之臣。難得。曰。當於犯顏敢諫中求之。若平時不能犯顏。敢諫他日。何以望其仗義死節哉。

巖

元巖、知經筵。隨事規諫。嘗謂人曰：天下事宰相當言，宰相不得言，則諫臺言之；諫臺不敢言，則經筵言之。脩位經筵，得言人所不敢言。天子之前志願足矣。於是時政得失有當匡救者，未嘗緘默。

陶安

明洪武時，陶安為翰林學士，上賜對云：國朝謀畧無雙士。翰苑文章第一家。御史有言公有隱過者。上曰：朕素知安，安豈有此？且爾後何知？對曰：聞之道路。上曰：御史取道賅之言，毀譽人以此為進職乎？立黜御史。

史

劉基

劉青田。輔太祖有大功。正德九年。賜詔曰。劉基學為  
帝師。才稱王佐。孔明之任。豈間人言。敬與之謀。不負  
所學。占事考祥。明有徵驗。運籌畫計。動中機宜。渡江  
策士。無雙。開國文臣第一。受爵能謙。懷辭金蹈海之  
風。成功不居。後辟穀封留之請。可謂明哲。允矣貞消。  
特進太師。謚文成。

王濂

永樂時。王濂為翰林深密。不洩禁中語。有奏嘗焚稿。

大書溫室二字。室中或問朝廷事。指二字以對。上嘗強公飲。醉歡笑賦楚辭一章。令侍臣咸賦醉學士歌。曰使後世知朕君臣同樂也。

按翰林選用無異唐宋。而自唐迄今。所掌要重。所司清華。所禮遇尊隆。超軼諸僚。歲以加矣。故曰水遠瀛州。花園周廡。外喧既寂。內務靡譁。清之極也。西接金臺北。瞻銅樓晨趨。瑣闥夕宿。嚴衛密之至也。脩侍顧問。辨疑釋惑。發續絢綸。據古援今。仕之任也。仕而職此。可忽乎哉。

宮僚考畧

詹事府東宮官屬也。應邵曰。詹省也。給也。言給事太子。漢秩置二千石。後魏有太子左右詹事。後周置太子宮正官尹。唐置詹事府。掌內外衆務。糾彈非違。總判府事。置少詹事以貳之。龍朔改端尹少尹。宋東宮有詹事少詹。品俱正六。恒以執政兼統。元詹事從三品。掌知東宮。而統領之。少詹為之二。乃今詹事一人。品正三。少詹二人。品俱正四。而迨以侍郎學士兼統之多不脩。視宋制不甚異也。

丞二人。品居正六。昉於漢。因秦置詹事丞。秩六百石。唐龍朔改為端尹丞。天授改為宮尹丞。宋元俱省。今



雖沿唐。置二人常開。多以他官兼之。不特設也。主簿從七品。錄事從九品。主簿典勾會文移。檢稽脫失。而錄事佐之也。

左右春坊

左右庶子

左右諭德

左右中允

左右贊善

左右司直

左右清紀

左右司諫

司經局洗馬

校書正字

按明洪武初。建大本堂。取古今圖籍。充其中。召四方名儒。教皇太子諸王。皇太子居文華殿。諸儒面授。分番進直。更班侍從。上時。賜宴。賦詩。商畧古今。細繹文學。其時東宮官如太子三太

太子三少。太子賓客皆勳舊大臣。燕領不別置。  
後始設詹事院。已更名府。設左右春坊。皆別置。  
而詹事府總焉。

國初亦設有詹事春坊等官。後乃盡裁。而大臣太  
子三太等衙仍如故焉。

### 京卿彙考

#### 中書

周官內史掌王之八柄。掌書王命是也。兩漢中書謁  
者令丞屬少府。與太官湯官上林諸令品秩相等。魏  
黃初改秘書令。典尚書奏事。為中書令。又置監。晉置

監令。秩千石。掌贊詔命。記會時事。典作文書。中書省漸為華要。而荀勗最有奪我鳳凰池之語矣。所領中書舍人。考之通註。即漢尚書郎。蓋宿建禮門。奏事明光殿。下筆為詔。法出語為詔。今者即其任也。魏置中通事舍人。宋齊因之。梁曰中書舍人。後魏有舍人省。後周有小史。上士二人。隋改為內史舍人。唐武德二年。改為中舍人。龍朔改為西臺舍人。光宅元年。改為鳳閣舍人。開元改為紫微舍人。宋置知制誥。及直舍人院。元豐官制行。遂以中書舍人判後省之事。明初置中書省。止存舍人二十餘人。無正貳資深者。署印主

書誥勅冊符鐵券書請翰林院實請內府權雖甚輕而官屬內閣為清銜也。

國初中書舍人以二甲進士除授今改以推知墜補矣。又翰林院誥勅撰文中書舍人前以貢監恩廕充今考選青年進士充之。古今之不相侔如此。

### 馬周

馬周。在平人。唐貞觀初為中書舍人有機辯。岑文本嘗曰馬君論事援引事類商確古今舉要刪繁會文切理一字不可增減聽之靡不令人忘倦。又嘗上疏曰堯舜之父猶有朱均之子倘有孩童嗣職萬一驕逸

光庶被其殃而國家受其敗正欲絕之也則子文之  
治猶在正欲留之也則夾鬻之惡已彰與其害於  
見存之百姓則寧使割恩於已亡之一臣然則向所  
謂災之者乃適以傷之也臣謂宜賦以茅土疇其爵  
邑必有材行隨器授官使其人得奉大恩而于終其  
福祿可耳

按春秋譏世卿而孟子亦云士無世官正謂仕  
者之子孫未必皆賢或至誤朝廷而苦百姓耳  
後世廢嗣之典太浮使膏粱之子黃口之孺儼  
然民上果有甘羅之才子奇之智乎其不至覆

陳遺謨滿朝致歎者幾希矣

岑文本

唐太宗時以岑文本為中書令還家有憂色其母問其故文本曰非勲非舊濫荷寵榮位高責重所以憂懼語賀客曰今受弔非受賀也

曾鞏

曾鞏字子固元豐間為中書舍人文章原本六經斟酌司馬遷韓愈為歐陽修所重神宗深知其才命充史館修撰至是以官制將行故有是命呂公著言於帝曰曾鞏為人行義不如政事政事不如文章以是

不獲大用。

曾子固文章為永叔器重亦宋儒之表表者。而呂公以行義短之。其故何也。橫紹聖初有林希者。附會章惇。凡元祐名臣貶削之制。皆希為之。極其醜詆。至以老姦擅國之語陰斥宣仁。讀者無不憤歎。一日草制罷擲筆於地曰。壞名節矣。此則行義之有玷者也。

行人

周禮有大行人。小行人。皆大夫掌諸侯朝覲宗廟會同之禮儀。及朝聘會同之事者。秦漢以來。行人為大

鴻臚之屬。即與掌職在贊相禮儀也。秦使者。秦漢以前名行人。秦漢以後不名行人。如哭行之博士。直指之繡衣。觀風之八使。按察之六條。代不乏使。然其職尊。其任重。非古行夫職也。明制行人司正一人。正七品。副二人。從七品。行人二十六人。正八品。職專奉使之事。凡頒詔冊立宗藩。撫慰蠻夷。徵聘賢才。及賞使慰問。賧濟軍旅。祭祀序羣焉。重則為介。輕則特使。今因之。

### 洪皓

宋高宗時遣洪皓為大金通問使。金人拘之。迫使仕。



劉豫皓曰萬里銜命不得奉兩宮南歸恨力不能磔逆豫忍事之耶願就鼎鑊粘沒喝怒將殺之旁一校曰此真忠臣也為之跪請乃得免死流遶冷山

辛仲甫

宋太宗遣起居舍人辛仲甫使遼遼主問曰聞中朝有董進者真驍將也如進之比凡幾人仲甫對曰中朝名將甚多如進鷹犬之材何可勝數遼主欲留之仲甫曰信以成義義不可留有死而已遼主知其秉節不可奪厚禮遣還太宗曰仲甫遠使絕域可謂不辱君命更使得數人如此朕何憂也

# 太常

太常主郊廟禮樂。古之秩宗也。周曰宗伯。秦改奉常。漢初更曰太常卿。一人有丞。奉常丞亦秦官也。屬有太樂、太祝、太宰、太史、太卜、太醫六丞。王莽改曰秩宗。後漢復名太常。秩中二千石。建安中為奉常。梁視金紫。光祿大夫。後魏太常與光祿勳衛尉為上卿。燕置少卿。周禮小宗伯、中大夫二人。即其任也。後周以太常為宗伯。少卿為小宗伯。隋太常寺卿一人。正三品。少卿一人。正四品。煬帝增置二人。太常丞。唐置太常卿一人。掌禮儀祭祀。擢判等事。少卿二人。丞二人。主簿

二人博士四人太祝三人奉禮郎二人協律郎二人  
太醫太卜廩犧八署署各有令丞宋置太常寺卿一  
人少卿一人丞一主簿一博士四掌五禮之制度儀  
式及樂律樂舞樂章協律主大樂奉禮主奉幣太祝  
主讀冊郊社籍田太廟宮闈各有令郊廟祭器庫什  
物庫教坊所諸陵祠壇所皆隸焉明置太常寺卿一  
少卿一提督四譯館少卿一其屬典簿二博士二神  
樂觀提點一知觀二協律郎二贊禮郎九司樂二十  
人天地朝夕祈穀各有祠祭署有奉祀有丞十餘  
陵有祠祭署亦有奉祀有丞犧牲所有吏目

卿專祭祀禮樂之司。凡天地神祇之祀饗。總其官屬。籍其政令。以聽于禮部祠祭司贊。

天子致虔。先歲孟冬。進來年祭日。

上御奉天殿受之。以頒諸司。

上親祭。贊禮儀。大臣攝亦如之。祭先期。請省牲。進版。銅人上殿。奉齋戒。凡荐新品。與光祿寺共。凡國有冊封。冠婚。營繕。出師。歲時有旱澇。國有大災。請告於郊廟社稷焉。

陳靖

宋真宗詔有司議均田法。太常博士陳靖乞先命大

臣令東西京檢賁荒地及逃民產籍之募民耕作賜以牛種室器俟田成然後度地均稅量田授人約井田之法為定法乃詔靖為勸農使後以皇甫選等阻之而罷

### 光祿

按秦有郎中令掌宮殿掖門戶漢因之卿一人有水至武帝太初元年改光祿勳勳之言閭也閭主門之官後漢亦名光祿勳所掌同典三署郎更直執戟宿衛魏晉以來無三署郎光祿勳不復居禁中宮殿門戶猶屬焉梁改為光祿卿北齊曰光祿寺置卿少卿

兼掌諸膳食帳幕。唐龍朔改為司宰寺。光宅改為司膳寺。大要卿掌邦國酒醴膳羞。總大官珍羞良醢。掌醢四署。官屬修儲脩謹出納。少卿丞貳之。自此與漢光祿勳絕特。襲其名耳。元豐官制行。卿一少卿一丞一主簿一掌祭祀朝會酒醴宴饗膳羞事。其屬有大官令主割烹。上林司主果實茗菜。有牛羊司乳酪院。油醋庫。法酒庫。內酒坊。大官物料庫。外物料庫。紹興廢并入禮部。而自宋及元復有宣徽院。客省使亦掌會宴饗酒饌饗餼任實。光祿而不襲舊名也。明初置宣徽院。尚食尚禮二屬。設院使同知。院判典簿。統二

屬累改為光祿寺卿一少卿二寺丞二其屬典簿二錄事一大官珍羞良醢掌醢四署各署正一署丞四監事四人司牲司牧二屬各大使一人卿掌祭享宴勞膳羞之事辨名數會出入量豐約以聽於禮部光祿寺丞貳之典簿錄事職掌仍古

### 太僕

按周禮有太僕下大夫掌正王之服佐出入王之大命而周穆置太僕正以伯冏為之秦特襲其名耳漢太僕秩二千石有兩丞領五監六廐與邊郡牧司院令丞王莽改太御後漢仍謂太僕卿一丞一亦掌車

馬。天子每出。秦駕上鹵簿。用大駕。則執御。魏因之。晉太僕銀章青綬。五時朝服。進賢兩梁冠。佩水蒼玉。丞一人。剖丞五人。置功曹主簿五官等員。領典牧乘黃驊騮龍馬等廐。令梁太僕位視黃門侍郎。統南牧左右牧。龍廐內外廐。陳因之。後魏丞卿之外。增置少卿。北齊太僕寺。統驊騮左右龍左右乘黃車府諸署。卿少卿各一人。隋煬帝增置少卿一人。龍朔二年。改太僕為司馭。光宅改司僕。神龍復舊。卿一少卿二丞四主簿二錄事二領乘黃典廐典牧車府等四署。署各有令。天下監牧置八使五十六監。宋初。邦國與馬之



政分隸郡牧司。騏驥院太僕但掌天子五輅屬車元  
豐官制行。卿少卿丞簿各一人。掌奉輅廐牧之政令。  
車輅院左右騏驥院天駟監鞍轡庫養象所。駝坊車  
營務遠牧養上下監隸焉。元祐置左右天廐坊。紹聖  
置孳生監。紹興復廢。仍入兵部。

明洪武初移駐滁州。及令都設於京師。而除山西陝西  
遼東設太僕苑馬監治焉。卿掌政令。以聽於兵部。火  
卿則分督京營馬。承理京衛若畿甸及山東河南六  
部孳牧寄牧馬。三年而更。凡牧人視其丁產以授馬。  
滿賦而更之焉。

鴻臚

按周官有大行人掌大賓客之禮。象胥掌蠻貊閩貉之國。使秦官有典客掌諸侯及歸義蠻夷。即是官也。漢名鴻臚卿一人。丞一人。屬官有行人譯官別火三令丞及郡邸長丞卿丞掌贊郊廟行禮。諸侯及歸義蠻夷掌迎勞贊禮儀。上郡國計。得可以命諸司。凡事之重大者遣大鴻臚而輕賤者遣大行人也。景帝更名大行令武帝更名大鴻臚。秦有典屬國成帝併為大鴻臚。王莽更名典樂。梁曰鴻臚卿位視尚書。左丞後魏曰大鴻臚北齊曰鴻臚寺。隋開皇三年廢鴻臚。

寺入太常。漢置領典客司儀。崇元三署。有卿有丞。唐龍朔改為司文。光宅改為司賓。領典客司儀二署。宋初並刪寺事。一人以朝官以上充。元豐署卿少卿丞主簿各一人。南渡並入禮部。明初曰侍儀司。曰殿庭議禮司。累改始定為鴻臚寺。卿一。少卿二。丞二。主簿一。屬署二。曰司賓。曰司儀。卿掌朝會賓客。吉凶禮儀之事。少卿寺丞為之貳。主簿典出納文移。司賓司儀二署。鳴贊八人。主贊禮序班五十餘。主侍班齊班而引禮糾儀焉。

常安民

鴻臚丞常安氏。貽呂公著書曰。善觀天下之勢。猶良醫之視疾。方安寧無事之時。語人曰。其後必有大憂。則衆必駭笑。惟識微見機之士。然後能逆知其漸。故不憂於可憂。而憂之於無足憂者。至憂也。今天下之勢。大為可憂。雖登進忠良。而不能搜致四海之英才。使皆萃於朝。以勝小人。恐端人正士。未得安枕而卧也。今用賢如倚孤棟。拔士如轉巨石。雖有奇特。曠卓之士。不得一行其志。甚可嘆也。猛虎負隅。莫之敢撓。而卒為人所獲者。人衆而虎寡也。故以十人而制一虎。則人勝。以一人而制十虎。則虎勝。奈何以數十人而

制千虎乎。今怨念已極。一發其害必大。可不為大憂乎。公著得書默然。

尚寶

周禮春官有典瑞。地官有掌節。秦有符璽。令漢因秦置符節。令丞秩四百石。屬少府。領符璽郎。後漢有符節令。兩梁冠。位次御史中丞。別為一臺。而符節令一人為臺率。秩六百石。為符節臺。晉併蘭臺。置符節御史。齊置主璽令。史於蘭臺。以持書御史領之。梁陳御史臺並置符節令。史。後魏御史臺領符節令。領符璽郎中。北齊有符節署。餘與後魏同。後周有主璽

下士掌國璽之藏。隋初有符璽局。置監二人。屬門下省。煬帝改監為郎。唐因之。長慶二年。改為符寶郎。神龍改為符璽郎。宋元仍置符璽郎。屬門下殿中。明初準古符璽局。為尚寶司卿。少卿各一人。丞二人。恩蔭寄祿。無常員。廕職在禁庭。守寶璽。無符牌印章。而辨其所用。有事請於內。既事奉而藏之。少卿司丞為之貳。今裁。

愚按中行常祿等署。歷朝增減不一。爵位職掌各異。提之地近微垣。職居華要。為

天子耳目手足之官。各宜殫心盡瘁。以弼一人斯無

曠鰥之譏。若虛糜俸祿。優游養安。或流連詩酒。或  
注意聲歌。雖曰清高。自許其如靖供何也。自古及  
今。居是位者。代不乏人。乃以功著。以名傳者。寥々  
罕谷斯何故歟。

百僚金鑑卷之三

通政考畧

按通政司即唐虞納言之職以出納帝命者周官司  
寇以嘉石平罷民以肺石達窮民內史掌叙事之法  
受納訪以詔王所治寔其職也秦漢以來統於三省  
蓋門下省侍中黃門侍郎掌出納帝命中書省中書  
令中書侍郎掌制誥宣傳文章獻納尚書省令丞掌  
通章奏雖三省之設雖總領綱紀無所不統而宣上  
達下亦分任其喉舌之任矣唐置樞密使院以正諫大  
夫補闕一人充知樞密使天寶九年改為獻納使以御



史中丞侍御史為之。宋雍熙元年。改歷為檢。景德四年。改為登聞鼓院。登聞院即今通政之任也。

明初置通政司。正三品。設通政使。左右通政。左右叅議。建文中。改司為寺。通政使為通政卿。叅議為少卿。寺丞。增置左右補闕。左右拾遺。各一人。掌出納帝命。通達下情。關防諸司出入移狀奏報。四方臣民實封。及軍情聲息災異。皆實署叅覆而上下焉。

### 大理考畧

按唐虞臯陶為士。秦為廷尉。漢景帝改名大理。宣帝復置廷尉。平合尉。正尉。監尉。平為廷尉三官。魏增置。

律博士。晉曰之。增置丞主簿明法掾。歷宋齊皆為廷尉。梁為秋卿。復置廷尉三官。北齊曰大理寺。置卿少卿各一人。後周有刑部中大夫掌五刑之法。附屬人之罪。屬大司寇亦其任也。唐龍朔改為詳刑寺。卿掌邦國折獄詳刑之事。少卿正丞為之貳。宋置判寺事一人。兼少卿事一人。以朝官以上充。詳斷官八人。以京官充。元承宋制。

明仍古大理名寺。卿一少卿二丞三。其屬司務二令左右寺。二寺正寺副評事。卿掌折獄凡官刑獄之政。令少卿丞為之貳贊。

天子詳刑與刑部都察院並列為三法司焉。

張釋之

張釋之為廷尉。謂文帝曰。法者天子所與天下公共也。今法如是足矣。更重之。是法不信於民也。且方是時。上使使誅之。則已。今已下廷尉。廷尉天下之平也。一傾天下。用法皆為之輕重。民安所措其手足。上曰。廷尉言是也。

于定國

宣帝時。于定國為廷尉。決獄平法。務在哀矜。寡罪疑從輕。如審慎之心。朝廷稱之曰。張釋之為廷尉。天下

無寬民于定國為廷尉民自以不寬

按定國之父于公為獄吏東海有孝婦寡居不嫁  
養其姑姑以年老妨婦嫁自縊死姑女告婦迫死  
其母婦不能辨誣伏于公爭之不得孝婦死東海  
旱三年後太守來公告其故祭孝婦遂雨于公治  
獄有陰德門閭壞治之令高大能容駟馬曰吾後  
世多有興者至是定國果為廷尉

路溫舒

廷尉史路溫舒上疏曰臣聞秦有十失其一尚存治  
獄之吏是也夫獄者天下之大命也死者不可復生

絕者不可復爲。今治獄上下相毆。以刻爲明。深者獲公名。平者多後患。俗語曰。畫地爲獄。議不入。刻木爲吏。期不對。此皆疾吏之風。悲痛之詞也。惟陛下省法。制寬刑罰。則太平之風可興於世上。善其言。詔置廷尉平四人。

涿郡太守鄭昌上疏言。今明主躬垂明聽。雖不置廷平。獄將自正。若開嗣後。不若剛定律令。律令一定。愚民知所避。姦吏無所弄。今不正其本而置廷平。以理其末。政衰聽怠。則廷平將招權而爲亂首矣。

李素立

唐高祖以素立為侍御史。有犯法不至死者，唐主特命殺之。李素立諫曰：「三尺法王若所與天下共也。法一動，人無所措手足。陛下甫創鴻業，奈何棄法？臣不敢奉詔。」唐主從之。命所司擬七品清要官，擬雍州司戶。唐主曰：「此官要而不清。」又擬秘書郎。唐主曰：「此官清而不要。」乃擢受侍御史。

戴胄

唐太宗以戴胄忠清公直，由兵部郎中擢為大理少卿。上以選人多詐，胄資廢，勅令自首，不肯者死。未幾

有詐冒事覺者。上欲殺之。冑奏擬法。應流。上怒曰。卿欲守法而使朕失信乎。對曰。勅者出於一時之喜怒。法者國家所以布大信於天下也。陛下忿選人之多詐。故欲殺之。既而知其不可復斷之。以法。此乃忍小忿而存大信也。上曰。卿能執法。朕復何憂。冑前後犯顏執法。言如湧泉。上皆從之。天下無冤獄。

### 胡演

胡演為大理少卿。有右樹太將軍長孫順德受人餽絹事覺。上惜其有功。不之罪。但於殿廷賜絹數十疋。胡演曰。順德枉法受財。罪不可赦。奈何。復賜之絹。上

曰。彼有人性。澤弱之辱。甚於受刑。如不知規。一禽獸耳。殺之何益。後順德折節為政。不通規。問遂為循吏。

### 伏仁傑

將軍權善才。中郎將范懷義。誤斬昭陵柏。當除名。上命殺之。大理丞狄仁傑奏。罪不當死。上曰。我不殺。則為不孝。仁傑固執不已。上怒。令出。仁傑曰。犯顏直諫。自古以為難。臣以為遇桀紂則難。遇堯舜則易。夫法不至死。而陛下特殺之。是法不信於人也。人何所措其手足。且韋繹之有言。設有盜長陵一杯土。陛下何以處之。今以一栢殺二將軍。後代謂陛下為何如矣。



臣不敢奉詔者。恐陷陛下於不道。蓋見釋之於地下也。上怒解。遂貸之。

### 徐有功

唐武后時。法官競為深酷。惟司刑丞徐有功。杜景儉獨存平恕。被告者皆曰。過來。侯必死。過徐杜必生。初有功為蒲州司法。以寬為治。不施敲朴。累遷司刑丞。酷吏所誣構者。皆為直之。前後所活數十百家。

宗城詣好禮。設客問曰。徐公於今。誰與為比。主人曰。四海至廣。人物至多。或匿跡韜光。僕不敢誣。若所聞見。則一人而已。當於古人中求之。客曰。何如。

張釋之。主人曰。釋之所行者甚易。徐公所行者甚難。易之間。優劣見矣。張公逢漢文之時。天下無事。守法而已。豈不易哉。徐公逢革命之秋。爲維新之運。人主有疑於上。酷吏恣害於下。而徐公守死善道。幾陷囹圄。數掛網羅。豈不難哉。客曰。使爲司刑卿。乃得展其才矣。主人曰。吾子得見徐公。用法平允。謂可置司刑。僕觀其人。方寸之地。何所不容。若其用之。何事不可。豈直司刑而已哉。

李日知

司刑丞李日知亦尚平恕少卿索元穉欲殺一囚日

知以為不可。往復數次。元禮怒曰。元禮不離刑曹。此  
因終無生理。日知曰。日知不離刑曹。此因終無死法。  
竟以面狀列上。日知果直。

朱敬則

補闕未敬則上疏曰。李斯相秦。用刻薄變詐。以屠諸  
侯。不知易之以寬和。卒至土崩。此不知變之禍也。漢  
高祖定天下。陸賈叔孫通說之以禮義。傳世十二。此  
知變之善也。伏願覽秦漢得失。塞羅獄之源。掃朋黨  
之跡。使天下蒼生坦然大悅。豈不樂哉。

徐嶠

唐明皇時徐嶠為大理少卿奏今歲天下斷死刑五十八人獄院由來殺氣太盛烏雀不棲今有鵲窠其樹於是百官以幾致刑措表賀上歸功宰輔賜李林甫爵晉國公牛仙客幽國公。

范華陽曰明皇一日殺三子而宰相以刑措受賞。讒諛得志。天理戕矣。能無亂乎。三子者太子瑛。鄂王瑤。光王琚也。錄此以為炯戒。

愚按天地以生物為心。帝王以好生為德。故三事克脩。六府允治。為斯民謀生養者。靡不周摯。至刑者。聖王不得已而用之者也。故唐虞之時。辟以止。

辟成康之世。刑期無刑。或下車而泣。或解網而祝。行刑之日。臧膳撤懸。訊斷死刑。為之流涕。誠以哀矜。惻怛。重人命也。後世刻覈之流。羅織有經。炭甕有法。視人命為草菅。以法律為詩書。甚至羅鉗古網。以相高。乳虎蒼鷹。以相競。恣睢未久。禍敗隨之。抑知治獄陰德。可以高大其門。全活萬人。得以貴顯其爵。其感應有不爽者乎。治獄君子。宜三復於斯篇。

百僚金鑑卷之四

尚書總考

尚書昉於秦少府遣吏殿中王發書故謂之尚書漢  
初尚書雖有曹名不以為號及靈帝以侍中梁鵠為  
選部尚書始以曹號為名謂尚書臺亦謂中臺宋設  
在建禮門內曰尚書寺亦曰尚書省或謂之內臺北  
齊尚禮省謂之都省亦謂北省唐龍朔改為中臺光  
宅改為文昌臺垂拱改為都臺長安復改為中臺神  
龍復為尚書省都堂居中左右分司都堂之東有吏  
部戶部禮部三行每行四司左司統之都堂之西有

兵部刑部工部三行。又行四司。右司統之。宋置尚書省。元亦參古制。有尚書省。是省為尚書之總。而部為尚書之分。自有尚書以來。為然。特任有輕重。權有隆替耳。此外有錄尚書。與尚書令。左右僕射。則古宰相之職。而特借尚書之名號也。其左右丞。為古宰相輔而參知政事者也。其郎中。都事等。即唐宋宰相屬也。明興覽古。三公論道。六卿分職。鑽其意於三代。而漢之上。鑒秦始建丞相。專恣之禍。罷中書府。以五府六部。都察院。通政司。理大理寺。分理庶政。而統于一尊。倣太尉。樞密院。置五府。倣六官。置六卿。列六部於九

卿是六部之名。定於隋唐。而六部之職。實重於明也。故尚書之名。秦已有之。而今尚書之職。法周之六卿也。侍郎之名。漢已有之。而今侍郎之任。則自隋唐而非徒擁其名也。郎中之名。漢亦有之。而今郎中之任。則自唐始。而非徒僞員無取職事也。員外之名。古亦有之。而今員外之官。則自隋置。而與承務同職也。主事之職。漢亦有之。而今主事之官。則自唐置。而非並用流外也。

左雄

尚書令左雄上疏曰。昔宣帝以爲吏數變易。則下不



安榮久於其事。財民服教化。今典城百里。轉動無常。各懷一切。真慮長久。臣愚以為守相長吏。忠和而有顯效者。可就增秩。勿復徙焉。

李固

李固告其君曰。陛下之有尚書。猶天之有北斗也。北斗為天喉舌。尚書為陛下喉舌。北斗斟酌元氣。運乎四時。尚書出納王命。教政四海。權尊勢重。責之所歸。且慎擇其人。以毗聖政。

荀勗

魏中書監荀勗曰。省吏不如省官。省官不如省事。省

事不如清心昔蕭何相漢載其清淨民以寧一所謂清心也抑浮說簡文案畧苛細省小過變常以微利者必誅所謂省事也以九寺併尚書以蘭臺付三府所謂省官也

### 陳寵

章帝時陳寵為尚書上疏曰臣聞先王之政賞不濫刑不濫與其不得已寧惜勿濫往者斷獄嚴明所以威懲姦惡姦惡既平必宜濟之以寬夫為政猶琴瑟大絃急者小絃絕陛下宜隆先王之道蕩滌煩苛之法全實至德以奉天心

陳矯

魏以陳矯為尚書令。魏主常卒至尚書門。矯跪問曰：「陛下欲何之？」曰：「欲案行文書耳。」矯曰：「此自臣分，非陛下所宜臨也。」若臣不稱職，請就黜退。數惡而退，數嘗問矯曰：「司馬公忠直，可謂社稷之臣乎？」矯曰：「朝廷之望也。社稷未知之也。」

陳忠

章帝時，陳忠為尚書。上疏曰：「臣聞人君廣山薌之大，納切直之諫，忠臣盡蹇諤之節，不畏遠耳之害。今明詔引咎克躬，諮訪群臣，必承風嚮，應爭為切直，宜優游。」

寬容以示聖朝無諱之美。

韋彪

漢韋彪上疏曰。天下樞要在於尚書。而問者多從郎官起。陞此位。雖曉習文法。長於應對。察察小慧。類無大能。宜鑒焉。夫複給之對。深思繹候。卜訖之功。

吏部

吏部雖昉於漢光武。改常侍曹為吏部曹。立選舉。其實昉於堯命羲和司天。舜禹尊稷為天官。殷冢宰周為太宰。太宰於殷為六太。於周為六卿也。漢末改為選部。魏復為吏部。晉宋為吏部尚書。資位特重。梁陳

亦然。後魏北齊吏部考功主爵三曹。隋吏部。魏吏部  
主爵司勳考功四曹。唐龍朔間。改吏部尚書為司列  
太常伯。光宅初。改為天官。天寶間。改為天部。掌文官  
選舉。總判吏部司封司勳考四曹事。隋置侍郎貳尚  
書之事。六品以下銓補。多以歸之。宋興。選之職。自分  
為二。文選二曰審官。東院曰流內銓。武選二曰審官  
西院曰三班。院元豐定制。以審官東院為尚書左選。  
審官西院為尚書右選。流內銓為侍郎左選。三班院  
為侍郎右選。掌文武官選授。勳封考課之政。今立  
吏部尚書一人。主天下官之選授。勳封考課之政。侍

部二人為之貳其屬清吏司四文選驗封稽勲考功  
司各置郎中一人員外一人主事二人綜其事司務  
二人省署抄同受發文移為首領官文選掌天下文  
吏銓選作缺改調保舉推陞之事驗封掌封爵襲蔭  
褒贈及吏筭之事稽勲掌勲級名籍喪制之事考功  
掌官吏考課黜陟之事四司各率其屬本其職贊尚  
書之政令寧部尚書首六卿擬天官冢宰耶諸部優  
重過於諸曹遠矣

虞祿

魏主深疾浮華之士詔吏部尚書虞祿以選舉勿取

有名譬如畫地作餅不可啖也。觥對曰：名不足以致異人，而可以得常士。常士畏教慕善，然後有名。非所當疾也。但當有以驗其後耳。今考績之法廢，而以毀譽為進退，故真偽混雜，虛實相蒙耳。

### 韋世康

隋韋世康為吏部尚書十餘年，和靖謙恕，時稱廉平。常有止足之志，謂子弟曰：祿豈須多，防滿則退，年不待暮，有疾便辭。

### 馬文升

馬文升字賓圖，弘治間自兵部晉冢宰，嘗曰：吾在兵

部每夜心行天之邊者。一周在史部。心行天之內者。一周行邊者。計武備。行山者。計人才。

推此志也。則計部之留心國計。宗伯之留心典禮。以及比部之留心欽郵。司空之留心河防。皆當夙夜寅清。虔供爾位。則政事何憂不舉。郵隆何憂不臻哉。

### 徐勉

梁徐勉為吏部尚書。精力過人。雖文案填積。座客充滿。應對如流。手不停筆。夜集客。有虞雲求庶事。官勉正色曰。今夕止可談風月。不宜及公事。雲道趣而退。



時人咸服其無私

高季輔

季輔為吏部侍郎太宗賜以金背鏡以表其清鑒

裴行儉

唐裴行儉為吏部侍郎典選有知人之鑒見王馴蘇味道謂人曰此子亦當掌銓衡之任後果然

按裴行儉馬載為吏部侍郎同時典選十餘年其有能名時人稱為裴馬又睿宗時盧後恩為吏部侍郎中宗之後選用頗失紀綱從恩精心調理大稱平允李朝隱同時典選時人稱曰前有裴馬後

有盛杰

山濤

晉山濤爲吏部尚書。典選十餘年。甄拔人物。各爲題  
目。而奏之。時稱爲山公啓事。嘗薦稽紹爲秘書丞。欲  
辭不就。濤曰。爲君思之久矣。天地四時。猶有消息。况  
於人乎。紹乃應命。

按山濤同時。有王戎爲司徒。與時浮沉。無所匡救。  
委事僚案。輒出遊畋。性復貪吝。園田遍天下。每自  
執牙籌。晝夜會計。常若不足。家有好李。賣之恐人  
得種。鑽其核。凡所賞拔。專事虛名。○畢卓爲吏部

郎比舍郎醖熟卓因醖夜至獲間盜飲之為掌酒  
者所縛明旦視之乃畢吏部也樂廣聞而咲之曰  
名教內自有樂地何必乃爾此又視山公為不及  
矣

牛弘

隋牛弘字里仁為吏部尚書選舉先德行而後文才  
侍郎高孝基鑒尚机悟清慎絕倫然爽後有餘迹似  
輕薄時宰多以此疑之弘獨雄心委任得人獨多隋  
室舊臣始終信任悔吝不及者弘一人而已

史臣曰牛弘篤好墳籍學優而仕有淡雅之風懷

曠達之度。採百王之損益。成一代之典章。漢之叔孫不能尚也。綱繆省闔三十餘年。典險不渝。始終無間。雖開物成務。非其所長。然澄之不清。混之不濁。可謂大雅君子矣。

### 戶部總考

按戶部雖同周禮地官之任。實本於古度夫。故為度夫尚書。為大司徒。為民部。唐永徽初。以南諱改民部為戶部。龍朔初。為司元太常伯。咸亨初。復武后改為地官。神龍復改地官為戶部。尚書一人。侍郎二人。掌天下戶口井田之政。令凡徭役職貢之方。經費。關給。

之筭。藏貨贏儲之準。悉以咨之。其屬有四。一曰戶部。二曰度支。三曰金部。四曰倉部。宋判戶部事。兩制以上。克凡戶口田產錢穀食貨之政令。皆歸於三司。本曹但受天下之土貢元會陳於庭而已。後罷三司之名。復歸戶部。

明興立戶部尚書一人為地官。主天下人民戶口田賦征役經費之政。司經鹽法遺儲金穀出納之制。以贊於天子。侍郎二人為之貳。復有一人出總倉場者。或尚書或侍郎司務二人照磨一人檢校一人典磨勘計筭為首領官。其屬清吏司四。曰民部主天下省

府州縣之圖志以周知其地理。古今沿革。山川險易。土田肥瘠。寬狹。戶口物產多寡。登耗之數。曰度支。主會計天下存留起運。若廩初俸給之經費。曰金部。主天下魚鹽稅課。若賦罰之折收。曰倉部。主兩稅起運。倉庾之委積。已上念地曹務繁。更定為十三清吏司。其後添設繁簡視所司。劇易兼直隸府州之貢賦。替尚書邦政焉。

### 蘇綽

魏蘇綽為度支尚書。性忠儉。常以喪亂未平為已任。薦賢伏能。紀綱廢政。嘗謂為國之道。當愛人如慈父。

訓人如嚴師。及卒。宇文泰曰。蘇尚書平生。庶護吾。歆全其素志。則恐悠悠之徒。有所未達。如厚加贈謚。又乘宿昔相知之心。何為而可。令史麻瑤進曰。儉約所以彰其美也。

### 長孫平

隋長孫平為度支尚書。奏令民間。每秋冬出粟麥。貧富為差。儲之當社。委社司檢校。以脩凶年。名曰義倉。隋主從之。此後世義倉之始也。

### 牛仙客

仙客前在河西。能節用度。勤職恭。倉庫充實。器械精。

利上聞而嘉之。欲加尚書。張九齡曰：不可。尚書告之納言。唐興以來，惟舊相及敍歷中外有德望者，乃為之。仙客本河湟使典，今驟居清要，恐羞朝廷。乃封為隴西縣公，後為工部尚書。

### 夏原吉

明夏原吉為戶部尚書。有吏捧精微文書押之。因風為墨所污。吏驚惧。即袒肉以俟。公曰：汝何與焉？叱起。乃自袖其所污。吏猶惧莫測。明日朝畢，至便殿請罪。曰：臣昨不謹，因風起，筆污精微之書。懷中出之上命。易之既罷，朝吏猶莫測。尋出其所易。吏大感，免冠謝。



按公有德量。冬出使館。晨發。命館人烘襪。誤燒一隻。館人懼不敢告。索襪甚急。左右請罪。笑曰。何不早白。歎餘廩易之弗及。并存者棄之而行。館人感德曰。他則無故加捶。若以平生。繞一過也。公之盛德類如此。

### 禮部總考

按禮部昉於唐虞之秩宗。周之春官大宗伯也。漢成帝時。為客曹。魏尚書有祠部曹。晉祠部尚書。常與右僕射通職。若右僕射缺。則以祠部尚書知右事。宋祠部尚書領祠部儀曹二曹。至後魏始稱儀曹尚書。北

齊亦為祠部尚書。統祠部。主客虞曹屯田起部五曹。又有儀曹。至吉凶禮制。屬殿中尚書。後周依周官。置春官大宗伯卿一人。更為禮部尚書。唐因之。龍朔初。改為司禮太常伯。光宅初。改為春官尚書。無幾復故。尚書一人。侍郎亦一人。周官小宗伯中大夫也。隋置唐因之。龍朔初。改司禮少常伯。專掌天下禮儀。祠祭饗貢舉之政令。其屬有四。一曰禮部。二曰祠部。三曰膳部。四曰主客。明興立禮部尚書一人。擬春官。掌天下禮儀祭祀封建朝賀宴饗貢舉之政令。叙辨階秩。以贊於天子。侍郎二人。為之貳。屬清吏司四。曰儀制。

掌禮文宗卦舉校貢舉之事。曰祭祠。掌祭享獻薦天  
文。國卹廟諱之事。曰主客。掌戎器。朝貢牲來宴賜之  
事。曰精繕。掌宴饗牲芳酒膳之事。凡膳品領于光祿  
而會其數。程其出納。則本司之任也。

### 兵部總考

按兵部周夏官大司馬之職也。古者兵車一車四馬。  
故以馬名官。司馬掌以九伐之法。正邦國制軍詰禁。  
以糾邦國。領校人牧司職。方司兵之屬。魏始置五兵  
尚書。謂中兵外兵騎兵別兵都兵。晉太始中省。太康  
中又置七兵尚書。以中兵外兵分為左右。宋太明中

又省。昇明復五兵尚書。歷代無改。魏又置七兵尚書。後周置大司馬卿。至隋改為兵部尚書。增置侍郎二人。蓋因後周兵部尚書之名。兼前代五兵之職也。唐因之。龍朔改兵部尚書為司戎太常伯。侍郎為少常伯。光宅初為夏官。天寶改為武官。掌五官選舉。總判兵部職。方駕部庫部事。宋元以後代有變更。明興立兵部。擬夏官。尚書一人。掌天下武衛官軍。選授簡練。若鎮戍。廐牧郵傳之政令。經戎馬之政。以贊天子。侍郎二人。為之貳。司務二人。省。署秋同受發文移。屬清吏司。田曰武選。掌武官選陞襲替功賞之事。曰車駕。

掌輿輦車乘守衛。既收郵傳之事。曰武庫。掌戎器符  
勒。尺籍武學與謀之事。

### 刑部總考

按周禮秋官大司寇掌邦之三典以佐刑邦國。即今  
刑部尚書之任也。漢成帝初置三公曹主斷獄。後漢  
以二千石曹主中都水火盜賊詞訟罪法亦謂之賊  
曹。重於諸曹。晉初依漢置三公尚書掌刑獄。太康中  
省三公尚書以吏部尚書兼領刑獄。宋三公比部皆  
主法。又置都官尚書主軍刑獄。領都官水部庫部功  
論四曹。後周依周官置大司寇卿掌刑邦國。隋初復

尚書省尚書開皇三年改刑部又置刑部侍郎唐因  
之龍朔初改尚書為司刑太常伯侍郎為少常伯先  
宅初改刑部為秋官天寶改為憲部宋判部事以御  
史知樞密而尚書侍郎中正為階官矣元豐更制始  
專其官明興立刑部尚書一人準古秋官掌天下刑  
名徒隸勾覆閑禁之政令欽卹明慎以贊天子侍郎  
二人為之貳司務照磨檢校一為首領官屬如戶部  
置十三清吏司凡宗室勳戚官吏軍民麗於法者詰  
其詞察其情偽傳律例而比其罪之輕重律凡六百  
有六條例成三百七十有六條其所不及者比而議

請焉。

### 工部總考

按周禮冬官大司空。即今工部尚書之任。其屬有攷工。掌百工之事。故曰工部。漢魏領於民曹。自晉迄陳。有所營作。權置起部尚書。役竣則省。後周依周官。置大司空。卿其屬有工部。中大夫。隋開皇初始置工部尚書。統工部屯田二曹。蓋因後周工部之名。無前代起部之職也。唐初因之。龍朔改為司金太常伯。光宅改為冬官侍郎。昉於周冬官。小司空中大夫。名少常伯。尋沒。故唐工部尚書侍郎之職。掌天下百工屯田。

山澤之政令。其屬有四。一曰工部。二曰屯田。三曰虞部。四曰水部。尚書侍郎總其職務而奉行其制命。凡中外百司之事。出於所屬。咸質正焉。宋判工部者。以西制克土水一役。悉隸三司。本部無所事。元豐始制尚書一侍郎。一掌天下城池空室舟車器械符印錢寶及百工山澤屯田之政。明興立工部尚書一人。準古冬官。掌天下工役。農田山川。藪澤河渠之政令。經制規畫。以贊天子。侍郎二人。為之貳。司務二人。為首領官。其屬清吏司四。曰營膳。掌經營興造之事。曰虞。掌山澤稼捕。屬禁陶冶之事。曰都水。掌川澤陂地。



泉漂洪淺。道路橋梁。舟車織造。券器衡量之事。曰也。  
田。宰屯農墳墓。抽分薪炭夫役之事。

### 陳群

魏主修洛陽宮。司空陳群諫曰。昔禹承唐虞之盛。猶卑宮室而惡衣服。况今喪亂之後。人民至少。邊境有事乎。漢明帝欲起德陽前殿。鍾離意諫而止。後復作。又謂群臣曰。鍾離尚書在。不得成矣。殿也。夫王者豈憚一臣。蓋為百姓耳。

### 富弼

宋富弼為司空侍中。平章事。初自汝州入覲。帝泛容

訪以治道。劉曰：人君好惡不可令人窺測。可窺測則奸人得傳會。當如天之鑒。人善惡皆所自取。然後誅賞隨之。則功罪皆得其實矣。

### 第五倫

第五倫爲司空。奉公盡節。言事無所依違。性質慤少文采。在位以貞白稱。或問倫曰：公有私乎？對曰：昔人有與吾千里馬者。吾雖不受。每三公有所選舉。心不能忘。而亦終不用也。吾兄子病。一夜十往。退而安寢。吾子有疾。雖不省視。而竟夕不寐。若是者豈可謂無私乎？

徐羨之

宋徐羨之為司空錄尚書事。初起自布衣。無學術。直以志力局度。一旦居廊廟。朝野推服。咸謂有宰臣之望。沉密寡言。不以憂喜見色。嘗與傅亮謝晦宴聚。亮晦才學辯博。羨之風度詳整。時人後言鄭鮮之嘆曰。觀徐傳。言論不復以學問為長。

魏崔亮為吏部尚書。立停年格。不問士之賢愚。專以停解日月為斷。沉滯者稱其能。洛陽令薛叔上書曰。然元之命繫於長吏。若選官惟取年勞。不簡賢否。執簿呼名。一吏足矣。數人而用。何謂銓衡。書

奏不報魏之選舉失人自亮始也。